



*Rhagoriaeth i bawb – Excellence for all*

Arolygiaeth Ei Mawrhydi dros Addysg  
a Hyfforddiant yng Nghymru

Her Majesty's Inspectorate  
for Education and Training in Wales

# Y Fframwaith Arolygu Cyffredin

## ar gyfer sefydliadau gwarchodol yng Nghymru



BUDDSODDWR MEWN POBL  
INVESTOR IN PEOPLE



## Estyn

Estyn yw swyddfa Prif Arolygydd Ei Mawrhydi dros Addysg a Hyfforddiant yng Nghymru. Mae'n annibynnol ar, ond yn cael ei ariannu gan, Gynulliad Cenedlaethol Cymru o dan Adran 104 Deddf Llywodraeth Leol i Gymru.

## Beth yw'r sail gyfreithiol dros yr arolygiadau hyn?

Rydym yn cynnal arolygiadau er mwyn bodloni'r dyletswyddau cyfreithiol a neilltuwyd i'r Prif Arolygydd mewn Deddfau amrywiol. Dyma'r prif Ddeddfau:

- Deddf Addysg Bellach ac Addysg Uwch 1992;
- Deddf Arolygiadau Ysgolion 1996;
- Deddf Addysg 1997;
- Deddf Addysgu ac Addysg Uwch 1998;
- Deddf Safonau a Fframwaith Ysgolion 1998;
- Deddf Dysgu a Sgiliau 2000.

Mae ein gwaith arolygu hefyd yn ystyried deddfwriaeth sy'n rheoli Estyn a darparwyr addysgol eu hunain, gan gynnwys, er enghraifft, Deddf yr Iaith Gymraeg 1993.

Mae'r Fframwaith Arolygu Cyffredin yn canolbwyntio ar:

- gyflawniadau dysgwyr;
- ansawdd yr addysg a'r hyfforddiant a ddarperir;
- effeithiolrwydd ac effeithlonrwydd arweinyddiaeth a rheolaeth.

Roedd y fframwaith yn gymwys i ganolfannau sefydliadau gwarchodol ar bum cwestiwn allweddol sy'n berthnasol i'r darparwr yn gyffredinol, yn ogystal ag agweddau ar ei waith fel meysydd dysgu, pynciau, cyrsiau, rhaglenni a meysydd galwedigaethol.

## Safonau

### 1 Pa mor dda y mae dysgwyr yn cyflawni?

Dylai arolygwyr arfarnu:

- eu llwyddiant wrth gyrraedd nodau dysgu cytûn;
- eu cynnydd wrth ddysgu; a
- datblygiad eu medrau personol, cymdeithasol a dysgu.

## Ansawdd addysg a hyfforddiant

### 2 Pa mor effeithiol yw'r addysgu, yr hyfforddi a'r asesu?

Dylai arolygwyr arfarnu:

- pa mor dda y mae'r addysgu a'r hyfforddi yn bodloni anghenion dysgwyr a gofynion y cwricwlwm neu'r cwrs; a
- thrylwyrded yr asesu a'r defnydd a wneir ohono wrth gynllunio a gwella dysgu.

### 3 Pa mor dda y mae profiadau dysgu yn cwrdd ag anghenion a diddordebau dysgwyr a'r gymuned ehangach?

Dylai arolygwyr arfarnu:

- i ba raddau y mae profiadau dysgu yn cwrdd ag anghenion a diddordebau dysgwyr; a'r
- graddau y mae profiadau dysgu yn ymateb i anghenion cyflogwyr a'r gymuned ehangach.

### 4 Pa mor dda yw'r gofal, y cyfarwyddyd a'r gefnogaeth i ddysgwyr?

Dylai arolygwyr arfarnu:

- ansawdd y gofal, y gefnogaeth a'r cyfarwyddyd i ddysgwyr;
- ansawdd y ddarpariaeth ar gyfer anghenion dysgu ychwanegol; ac
- ansawdd y ddarpariaeth ar gyfer cyfle cyfartal.

## Arweinyddiaeth a rheolaeth

### 5 Pa mor effeithiol yw'r arweinyddiaeth a'r rheolaeth strategol?

Dylai arolygwyr arfarnu:

- pa mor dda y mae arweinwyr a rheolwyr yn darparu cyfarwyddyd clir ac yn hyrwyddo safonau uchel;
- pa mor effeithiol y caiff perfformiad y darparwr ei fonitro a'i wella trwy strategaethau gwella ansawdd a hunanasesu;
- digonolrwydd, addasrwydd a'r defnydd a wneir o staffio, adnoddau dysgu ac adeiladau; a
- pha mor effeithlon y caiff adnoddau eu rheoli i gyflawni gwerth am arian.

Bydd arolygwyr yn defnyddio graddau i grynhoi barnau arolygu a byddant yn defnyddio'r raddfa pum pwynt ganlynol:

**Gradd 1: Da gyda nodweddion rhagorol**

**Gradd 2: Nodweddion da a dim diffygion pwysig**

**Gradd 3: Nodweddion da yn gorbwyso diffygion**

**Gradd 4: Rhai nodweddion da, ond diffygion mewn meysydd pwysig**

**Gradd 5: Llawer o ddiffygion pwysig**

## **Beth yw egwyddorion arolygu?**

Wrth weithredu'r fframwaith hwn, byddwn:

- yn sicrhau bod arolygiadau o ansawdd uchel a'u bod yn ymatebol i angen pob dysgwr;
- yn cynnwys darparwyr yn llawn yn y broses arolygu;
- yn cysylltu arolygu ag adroddiad hunanasesu'r darparwr;
- yn ymgorffori elfen o arfarnu cymheiriaid yn y broses arolygu;
- yn sicrhau bod cyn lleied â phosibl o ofynion ar gyfer dogfennaeth a pharatoi;
- yn canolbwyntio arolygiadau ar feysydd blaenoriaeth polisiau'r Cynulliad Cenedlaethol, gan gynnwys mynd i'r afael ag anfantais gymdeithasol, cyfle cyfartal a datblygiad cynaliadwy;
- yn cymhwyso egwyddor cydraddoldeb ar gyfer Cymraeg a Saesneg i'n holl waith arolygu, gan ddarparu gwasanaethau dwyieithog lle bynnag y maent yn briodol;
- yn adeiladol wrth nodi a chefnogi darparwyr gyda diffygion difrifol; ac
- yn defnyddio'r fframwaith yn deg ac yn gyson ar draws pob sector addysg a hyfforddiant.

## **Sut bydd arolygwyr yn ymddwyn?**

Wrth gynnal yr arolygiad, bydd arolygwyr:

- yn gwneud eu gwaith gyda gonestrwydd, cwrteisi a sensitifrwydd priodol;
- yn arfarnu gwaith y darparwr yn wrthrychol;
- yn adrodd yn onest, yn deg ac yn ddiduedd;
- yn cyfathrebu'n glir ac yn agored;
- yn gweithredu er lles dysgwyr; ac
- yn parchu cyfrinachedd yr holl wybodaeth sy'n dod i law yn ystod eu gwaith.

## **Beth sy'n digwydd os aiff rhywbeth o'i le?**

Os oes gan unrhyw un bryderon neu os ydynt am gwyno am yr arolygiad, yna dylid tynnu sylw'r arolygydd cofnodol at hyn cyn gynted ag y bo modd. Mae'n bwysig codi unrhyw bryder cyn gynted ag y bo'n digwydd. Bydd yr arolygydd cofnodol fel arfer yn ceisio datrys unrhyw gŵynion tra bydd yr arolygiad yn cael ei gynnal. Os na fydd yr arolygydd cofnodol yn gallu datrys y gŵyn yn ôl boddhad y darparwr, yna dylai'r sefydliad ysgrifennu at y Rheolwr Adborth a Chwynion yn y cyfeiriad a geir ar y daflen hon. Bydd Estyn yn ymchwilio i'r holl gŵynion ac wrth wneud hynny, bydd yn copïo'r holl ohebiaeth sy'n dod i law mewn perthynas â'r gŵyn i'r rheiny sy'n gysylltiedig er mwyn cael eu hymateb.

**Estyn  
Llys Angor  
Heol Keen  
Caerdydd CF24 5JW**

**Ffôn 029 2044 6446**

[ymholiadau@estyn.gsi.gov.uk](mailto:ymholiadau@estyn.gsi.gov.uk)